

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gravamina sacri Romani Imperii principum ac procerum

[S.l., Mainz], 1523

De onere banni, sev excommunicationis

[urn:nbn:de:bsz:31-114121](https://nbn-resolving.org/urn:nbn:de:bsz:31-114121)

giatisq; Ecclesijs, ac earum capitulis agitur. Item & per præpositos, reliquosq; in dignitate constitutos agitur idem, interim dum sua conferunt beneficia ecclesiastica.

PRÆTEREA, qui pinguiora, ita ut prædictum est habent beneficia, ac ecclesias parrochiales, utcunq; annuas pensiones amplissimas ex locationis titulo, à cōductoribus percipiant, quibus redditibus à laicis fundatoribus beneficia hæc ampliter sunt dotata, tamē committunt locatores, ut domus beneficiaræ, præ neglecta ædificiorum cura, penitus collabantur. Nihil enim aliud curant beneficiorum personati isti possessores, aut locatores, quã ut pecuniæ æquo maiorem summam quotannis à conductoribus recipiant, ac eandē hinc in uarios, sed in inhonestos, illicitos, ac offendiculorum, peccatorumq; plenos usus conuertant: de salute & cura animarum, uel subditorum, uel etiam eorū, quorum ex marsupio uiuunt, hoc est fundatorū, prorsus apud hos nulla mencio, respectus (uelut Megarensium olim) plane nullus. Eapropter Sa. Ro. Imperij Status, ac Principes & proceres laici, hic quoq; supplicant, Sanctitas Pontificia uelit eam offendiculorum syluam, turbatum rerum ordinem ac onera hæc iusto grauiora, tollere, emendareq;, ac archiepiscopos, episcoposq;, ab obligatione, qua ex promissionis prædictæ nexu tenentur, liberare, solutosq; reddere, ac ædicto cauere, ne post hac Archiepiscopi & Episcopi, talibus adstringantur uinculis, sed ut de hinc nulli beneficium ecclesiasticum, curam habens animarū, conferatur, qui non sit doctrina, ætateq; & moribus ad hoc idoneus, qui & honestam, ac præbytero dignam uiuat uitam, & qui ipse propria illud possideat persona, nec plura quidem, sed unum tantum beneficium curatum, seu parrochiale Ecclesiam, Christiane, hoc est sine oenffdiculis ullis, sed multo, cum doctrinæ eum uitæ integritatis fructū administret.

DE ONERE BANNI, SEV EXCOMMUNICATIONIS.

A ij ITEM

ITEM Romæ cæterisque in locis per Archiepiscopos ac Episcopos, aut certe eorum ecclesiasticos iudices, multi Christianorum ob causas prophanas, ob pecuniæ denique, ac turpis quæstus amorem excommunicantur, multorumque, sed eorum in fide infirmorum conscientia per hoc aggravatur, & in desperationem pertrahuntur, ac denique ob pecuniæ, lucriue tantulum, aut alioqui res minimi præcij, ad internitionem usque animæ, corporis, honoris, atque rei familiaris, contra diuina humanaque iura, perducuntur. Quando nemo, nisi ob conuictum hæreseos crimen, excommunicationis gladio feriendus, aut pro secluso à Christiana catholicaque ecclesia, sacris literis testantibus, reputandus est. Eapropter Sacrosancti Imperatoris Principes, proceres ac Status laici rogant, ut Pontificia sanctæ, tanquam fidus Christianus, ac pius pater, uelit præfatum onus Banni, seu Excommunicationis, apud sedem Romanam penitus abolere, ac apud cæteros Archiepiscopos, Episcopos, & eorum iudices ecclesiasticos ablegare, tollere, & denique ita sancire, cauereque, ut nemo ullam ob causam, quam manifestum ac conuictum hæreseos crimen, & quantum ad Sacrosanctam Christi fidem attineret, excommunicationis fulmine feriat, aut pro secluso à Christiana ac catholica ecclesia, habeatur. Per iniquum siquidem est, fideles Christi ob temporalium bonorum, lucriue, aut denique ullam aliam humanarum constitutionum transgressionem, excepta hæresis perfidia, à deo opt. maximo, suaque ecclesia catholica excludi, seiungi, separarique.

QVO PACTO MULTI COHABITATORES oppidorum excommunicati, & ipsi utcumque innocentes excommunicantur.

ITEM & illud in plerisque sæpius cule euenit, quod uiciorum excommunicati decem, & eo amplius, quos tamen causa nihil omnino contingit, cum ipso principali excommunicationis poena aggravantur, & non ob aliud, quam ut officiales ecclesiastici s. iudices, facilius, citiusque prohibitione

sua